

WASTE4THINK ZAMUDIO

Lekua:	Zamudio (Bizkaia)
Modalitatea:	Ingurumena
Helburua:	Hondakinen kudeaketa egokiago baten onurak azaltzea
Egunak:	Uztailaren 16tik 30era
Adina:	18 – 26 urte.
Plaza-Kopurua:	20 txanda bakoitzean
Esparrua:	Nazionala
Hizkuntza:	Gaztelania eta euskara

Zamudio Txorierriko bailaran kokatua dago. Erdi Aroan bidegurutzea zen: bertatik, batetik Bilbotik (hiriaren sarrera nagusia Zamudioko Atea zen) Mungia igaroz Bermeoraino joaten zen eta bestetik, Plentziatik eta itsasadarraren eskuinaldetik Larrabetzu igaroz, jaurreriaren barrualdera.



Herriko eraikin kulturalik aipagarrienak Eleixalde inguruan kokatzen dira: Berpizkunde garaiko elizaren alboan, Zamudio dorre aipagarria dago, Zamudio leinuaren berant Erdi Aroko gotorlekua hain zuzen ere, gaur egun Kultura Etxea dena.

Informazio gehiago:

Zamudioko udala: <http://www.zamudiokoudala.net/eu-ES/Orrialdeak/default.aspx>

AUZOLANDEGIAREN DESKRIBAPENA

Auzolandegiaren gazte horien lana Zamudioko herrian martxan dagoen Waste4Think proiektuaren asmoak herritarren gehiengoari eta herrian kokaturik dauden enpresei jakinarazten eta azaltzen laguntzea izango da.



Gazteek burutu beharreko lana hurrengoak izango dira: etxez etxe eta enpresaz enpresa hondakinen kudeaketa egokiago baten onurak azalduz joan beharko dira. Horretarako azaldu beharko dute; nola murriztu hondakinak, zelan berrerabili etxeetan edo enpresetan sortutakoak, zelan birziklatu era egoki batean eta azkenik zer den PAYT-a (erabili ahalako ordainketa). Izan ere, Zamudioko herritarrek eta enpresek sortzen dituzten hondakinen arabera ordainduko dute zaborren tasa.

ANIMAZIO JARDUERAK

Animazio taldeak hainbat ekintza proposatuko ditu, auzolandegiko partaideen eta auzolandegia hartuko duen komunitatearen arteko harremanak sendotzeko eta lanak garatuko diren ingurunea hobeto ezagutzeko. Bestalde, Euskadiko kultura eta ohiturak ezagutzeko lagungarriak izango dira.

Txangoak, bisita kulturalak Euskadiko hiri nagusietara eta kostaldera, kirol-ekintzak, jolasak... antolatuko dira. Besteak beste, Bilboko Alde Zaharrera eta Guggenheim museora bisitak, Sopelako eta Bakioko hondartzetara irteerak edota Algortako Portu Zaharrera eta Bizkaia Zubia-Zubi eskegira bisitak.

Ekintza horiek guztiak arratsaldero eta asteburuetan egingo dira, eta bertan auzolandegiko kide guztiek parte hartuko dute.

Programa aurrerago zehaztuko da programa. Animazio taldeak kontuan hartuko ditu boluntarioen proposamenak.

ERAMAN BEHARREKO GAUZAK

- | | |
|---|--------------------------------|
| ➤ Lo-zakua (ez dago izararik) | ➤ Kapela eguzkitarako |
| ➤ Burkoa (behar baduzu) | ➤ Eguzkitako krema |
| ➤ Garbitasun pertsonaleko artikulak | ➤ Eguzkitako betaurrekoak |
| ➤ Dutxarako eta igerilekurako toallak | ➤ Bainujantzia |
| ➤ Berokiak eta euritako arropak | ➤ Txankletak |
| ➤ Mendiko oinetakoak eta kirola egitekoak | ➤ Motxila txikia txangoetarako |

AUZOLANDEGIRA ERAMAN BEHARREKO AGIRIAK

- NAN edo atzerritzar-txartela edo pasaportea.
- Osasun-txartel indibiduala

AUZOLANDEGIAREN KOKAPENA ETA OSTATUA

Auzolandegiaren kokapena: Zamudioko gunen ezberdinetan.

Ostatua Zamudioko eskoletan hartuko da. Oso instalazio egokiak dira eta, besteak beste, honako guneak ditu: egongela, jolas-jarduerak garatzeko erabilera anitzeko gela, materiala gordetzeko biltegia, sukaldea, jangela, komunak eta dutxak. Eskola polikiroldegiaren ondoan kokatzen da, eta bertan igerilekua dago. Udalaren kirol-instalazio guztiak erabili ahal izango dira.

AUZOLANDEGIAN HASTEAK

Auzolandegiaren lehen egunean, **Zamudioko Udaletxean, 18:00etan**. Sabino Arana plaza, 1.

Ordu horretan etorri ezin baduzue, arrazoren batengatik beharko du izan, Eusko Jaurlaritzako Gazteria Zuzendaritzan jakinarazi beharko duzue beti, eta, edonola ere, hurrengo 24 ordutan agertu beharko duzue.

NOLA HELDU AUZOLANDEGIRA

[Zamudioko \(Bizkaia\) kokapen-mapa](#)

ERREPIDEZ

Bilbotik:

BI-631 errepidea, Loiuko Aireporturako norabidean, Derioraino. N-637 (Txorierriko Barnebidetza) hartu Zamudiorantz.

BI-631 errepidea, Loiuko Aireporturako norabidean, Derioraino. N-737 (Errepide nagusia) hartu Zamudiorantz.

Gasteiztik:

A-68 errepidea Loiuko aeroporturako norabidean, N-637 hartu Zamudiorantz.

Donostiatik:

A-8 errepidea Bilborantz, N-637 hartu Zamudiorako bidean.

GARRAIO PUBLIKOAREN BIDEZ

Hemen, garraio publikoak Zamudiora heltzeko garrantzitsuenak diren bi enpresen web-en loturak ditugu:

[Bizkaibus](#)

[Euskotren](#)

NOIZ AMAITZEN DEN AUZOLANDEGIA

Auzolandegia azkeneko egunean amaituko da, gosaria hartu eta gero, goizeko 9:00ak eta 10:00ak bitartean.

ASEGURUA

Eusko Jaurlaritzak partaide bakoitzari istripurako eta erantzukizun zibilerako aseguruia egingo dio.

Hala ere, gazte bakoitzak bere **osasun-txartel indibiduala** ekarri beharko du auzolandegira.

HARREMANETARAKO TELEFONOAK ETA E-POSTA

Eusko Jaurlaritza. Gazteria Zuzendaritza:

- Tel.: **945 01 95 01 – 945 01 95 36**
- Posta elektronikoa: gazteria-auzolandegiak@euskadi.eus

ARAUAK

Auzolandegian izena eman baino lehenago, auzolandegietako arauak ezagutzea komeni da. Ikusi www.gazteaukera.euskadi.eus webgunean (Auzolandegiak – Ezaugarriak, kuota eta arauak).

PLAZARI EGITEA ETA KUOTA ITZULTZEKO ESKATZEA

Informazio guztia www.gazteaukera.euskadi.eus webgunean dago (ikusi Auzolandegiak - Plazari uko egitea eta ordaindutako kuotaren itzulketa eskatzea izeneko atalean).